

大方廣佛華嚴經卷第四十七

育七

千闍國三歲沙門實又難陀譯

佛不思議法品第三十三之下

佛子諸佛世尊有十種廣大佛事無量無邊不可思議一切世間諸天及人皆不能知去來現在所有一切聲聞獨覺亦不能知唯除

如來威神之力何等爲十所謂一切諸佛於盡虛空徧法界一切世界兜率陀天皆現受生修菩薩行作大佛事無量色相無量威德無量光明無量音聲無量言辭無量三昧無量智慧所行境界攝取一切人天魔梵沙門婆羅門阿脩羅等大慈無礙大悲究竟平等

饒益一切衆生或令生天或令生人或淨其根或調其心或時爲說差別三乘或時爲說圓滿三乘普皆濟度令出生死是爲第一廣大佛事佛子一切諸佛從兜率天降神母胎以究竟三昧觀受生法如幻如化如影如空如熱時燄隨樂而受無量無礙入無諍法起

無著智離欲清淨成就廣大妙莊嚴感受最後身住大寶莊嚴樓閣而作佛事或以神力而作佛事或以正念而作佛事或現神通而作佛事或現智日而作佛事或現諸佛廣大境界而作佛事或現諸佛無量光明而作佛事或入無數廣大三昧而作佛事或現從彼諸三昧起而作佛事佛子如來亦時在母胎中爲欲利益一切世間種種示現而作佛事所謂或現初生或現童子或現在宮或現出家或復示現成等正覺或復示現轉妙法輪或示現於入般涅槃如是皆以種種方便於一切方一切網一切旋一切種一切世界中而作佛事是爲第二廣大佛事佛子一切諸佛一切善業皆已清淨一切生智皆已明潔而以注法誘導群迷令其開悟具行般若爲衆生故示誕王宮一切諸佛於諸色欲宮殿妓樂皆已捨離無所貪染常觀諸有空無體性一切樂具悉不真實持佛淨戒究竟圓滿

觀諸內宮妻妾侍從生大悲愍觀諸眾生虛
妄不實起大慈心觀諸世間無一可樂而生
大喜於一切法心得自在而起大捨具佛功
德現生法界身相圓滿眷屬清淨而於一切
皆無所著以隨類音為眾演說令於世法深
生厭離如其所行示所得果後以方便隨應

第七

教化未成熟者令其成熟已成熟者令得解
脫為作佛事令不退轉復以廣大慈悲之心
恒為眾生說種種法又為示現三種自在令
其開悟心得清淨雖處內宮眾所咸觀而於
一切諸世界中施作佛事以大智慧以大精
進示現種種諸佛神通無礙無盡恒住三種
巧方便業所謂身業究竟清淨語業常隨智
慧而行意業甚深無有障礙以是方便利益
眾生是為第三廣大佛事佛子一切諸佛示
處種種莊嚴宮殿觀察狀離捨而出家欲使
眾生了知世法皆是妄想無常敗壞深起厭
離不生染著永斷世間貪愛煩惱修清淨行

利益眾生當出家時捨俗威儀住無諍法滿
足本願無量功德以大智光滅世礙闇為諸
世間無上福田常為眾生讚佛功德令於佛
所植諸善本以智慧眼見真實義復為眾生
讚說出家清淨無過永得出離長為世間智
慧高幢是為第四廣大佛事佛子一切諸佛

具一切智於無量法悉已知見菩提樹下成
最正覺降伏眾魔威德特尊其身充滿一切
世界神力所作無邊無盡於一切智所行之
義皆得自在修諸功德悉已圓滿其菩提座
具足莊嚴周徧十方一切世界佛處其上轉
妙法輪說諸菩薩所有行願開示無量諸佛

第七

境界令諸菩薩皆得悟入修行種種清淨妙
行復能示導一切眾生令種善根生於如來
平等地中住諸菩薩無邊妙行成就一切功
德勝法一切世界一切眾生一切佛刹一切
諸法一切菩薩一切教化一切三世一切調
伏一切神變一切眾生心之樂欲悉善了知

而作佛事是為第五廣大佛事佛子一切諸佛轉不退法輪令諸菩薩不退轉故轉無量法輪令一切世間咸了知故轉開悟一切法輪能大無畏師子吼故轉一切法智藏法輪開法藏門除闇障故轉無礙法輪等虛空故轉無著法輪觀一切法非有無故轉照世法輪令一切眾生淨法眼故轉開示一切智法輪悉徧一切三世法故轉一切佛同一法輪一切佛法不相違故一切諸佛以如是等無量無數百千億那由他法輪隨諸眾生心行差別而作佛事不可思議是為第六廣大佛事佛子一切諸佛入於一切王都城邑為諸眾生而作佛事所謂人王都邑天王都邑龍王夜叉王乳闍婆王阿脩羅王迦樓羅王緊那羅王摩睺羅伽王羅刹王毗舍闍王如是等王一切都邑入城門時大地震動光明普照盲者得眼聾者得耳狂者得心裸者得衣諸下劣者各悉得安樂一切樂器不鼓自鳴諸

莊嚴具若著不著咸出妙音眾生聞者無不欣樂一切諸佛色身清淨相好具足見者無厭能為眾生作於佛事所謂若顯視若觀察若動轉若屈申若行若住若坐若卧若默若語若現神通若為說法若有教勅如是一切皆為眾生而作佛事一切諸佛昔於一切無數世界種種眾生心樂海中勸令念佛常勤觀察種種善根修善行歎佛色相微妙第一一切眾生難可值遇若有得見而興信心則生一切無量善法集佛功德普皆清淨如是稱讚佛功德已分身普往十方世界令諸眾生悉得瞻奉思惟觀察承事供養種種善根得佛歡喜增長佛種悉當成佛以如是行而作佛事或為眾生示現色身或出妙音或但微笑令其信樂頭頂禮敬由躬合掌稱揚讚歎問訊起居而作佛事一切諸佛以如是等無量無數不可言說不可思議種種佛事於一切世界中隨諸眾生心之所樂以本願

力大慈悲力一切智力方便教化悉令調伏是為第七廣大佛事佛子一切諸佛或住阿蘭若處而作佛事或住寂靜處而作佛事或住空閑處而作佛事或住佛住處而作佛事或住三昧而作佛事或獨處園林而作佛事或隱身不現而作佛事或住其深智而作佛事或住諸佛無比境界而作佛事或住不可見種種身行隨諸眾生心樂欲解方便教化無有休息而作佛事或以天身求一切智而作佛事或以龍身夜叉身乾闥婆身阿脩羅身迦樓羅身緊那羅身摩睺羅伽人非人等身求一切智而作佛事或以聲聞身獨覺身菩薩身求一切智而作佛事或時說法或時寂默而作佛事或說一佛或說多佛而作佛事或說諸菩薩一切行一切願為一行願而作佛事或說諸菩薩一行一願為無量行願而作佛事或說佛境界即世間境界而作佛事或說世間境界即佛境界而作佛事或說

育七

五

佛境界即非境界而作佛事或住一日或住一夜或住半月或住一月或住一年乃至住不可說劫為諸眾生而作佛事是為第八廣大佛事佛子一切諸佛是生清淨善根之藏令諸眾生於佛法中生淨信解諸根調伏永離世間令諸菩薩於菩提道具智慧明不由他悟或現涅槃而作佛事或現世間皆悉無常而作佛事或說佛身而作佛事或說所作皆悉已辦而作佛事或說功德圓滿無缺而作佛事或說永斷諸有根本而作佛事或令眾生厭離世間隨順佛心而作佛事或說壽命終歸於盡而作佛事或說世間無一可樂而作佛事或為宣說盡未來際供養諸佛而作佛事或說諸佛轉淨法輪令其得聞生大歡喜而作佛事或為宣說諸佛境界令其發心而修諸行而作佛事或為宣說念佛三昧令其發心常樂見佛而作佛事或為宣說諸根清淨勤求佛道心無懈怠而作佛事或諸

一切諸佛國土觀諸境界種種因緣而作佛事或攝一切諸眾生身皆為佛身令諸懈怠放逸眾生悉住如來清淨禁戒而作佛事是為第九廣大佛事佛子一切諸佛入涅槃時無量眾生悲號涕泣生大憂惱迺相瞻顧而作是言如來世尊有大慈悲哀愍饒益一切

世間與諸眾生為救為歸如來出現難可值遇無上福田於今永滅即以如是令諸眾生悲號戀慕而作佛事復為化度一切天人龍神夜叉乾闥婆阿脩羅迦樓羅緊那羅摩睺羅伽人非人等故隨其樂欲自碎其身以為舍利無量無數不可思議令諸眾生起淨信

心恭敬尊重歡喜供養修諸功德具足圓滿復起於塔種種嚴飾於諸天宮龍宮夜叉宮乾闥婆阿脩羅迦樓羅緊那羅摩睺羅伽人非人等諸宮殿中以為供養牙齒爪髮成以起塔令其見者皆悉念佛念法念僧信樂不迴誠敬尊重在在處處布施供養修諸功德

首七

六

以是福故或生天上或處人間種族尊榮財產備足所有眷屬眾皆清淨不入惡趣常生善道恒得見佛具眾白法於三有中速得出離各隨所願獲自乘果於如來所知恩報恩亦與世間作所歸依佛子諸佛世尊雖般涅槃仍與眾生作不思議清淨福田無盡功德

最上福田令諸眾生善根具足福德圓滿是為第十廣大佛事佛子此諸佛事無量廣大不可思議一切世間諸天及人及去來今聲聞獨覺皆不能知唯除如來威神所加佛子諸佛世尊有十種無二行自在法何等為十所謂一切諸佛悉能善說授記言辭決定無

二一切諸佛悉能隨順眾生心念令其意滿決定無二一切諸佛悉能現覺一切諸法演說其義決定無二一切諸佛悉能具足云來今世諸佛智慧決定無二一切諸佛悉知三世一切剎那即一剎那決定無二一切諸佛悉知三世一切佛剎入一佛剎法定無二一

切諸佛悉知三世一切佛語卽一佛語決定無二一切諸佛悉知三世一切諸佛與其所化一切衆生體性平等決定無二一切諸佛悉知世法及諸佛法性無差別決定無二一切諸佛悉知三世一切諸佛所有善根同一善根決定無二是爲十佛子諸佛

卍尊有十種住住一切法何等爲十所謂一切諸佛住覺悟一切法界一切諸佛住大悲語一切諸佛住本大願一切諸佛住不捨調伏衆生一切諸佛住無自性法一切諸佛住平等利益一切諸佛住無忘失法一切諸佛住無障礙心一切諸佛住恒正定心一切諸

佛住等入一切法不違實際相是爲十佛子諸佛卍尊有十種知一切法盡無有餘何等爲十所謂知過去一切法盡無有餘知未來一切法盡無有餘知現在一切法盡無有餘知一切言語法盡無有餘知一切世間道盡無有餘知一切衆生心盡無有餘知一切苦

薩善根上中下種種分位盡無有餘知一切佛圓滿智及諸善根不增不減盡無有餘知一切法皆從緣起盡無有餘知一切世界種盡無有餘知一切法界中如因陀羅網諸差別事盡無有餘是爲十佛子諸佛卍尊有十種廣大力量最上力無量力大威德力難獲

力不退力堅固力不可壞力一切世間不思議力一切衆生無能動力大那羅延幢勇健法何者爲十所謂一切諸佛身不可壞命不可斷世間毒藥所不能中一切世界水火風災皆於佛身不能爲害一切諸魔天龍夜叉輒闍婆阿脩羅迦樓羅緊那羅摩睺羅伽人非人毗舍闍羅刹等盡其勢力兩大金剛如須彌山及鐵圍山徧於三千大千世界一時俱下不能令佛心有驚怖乃至一毛亦不搖動行住坐卧初無變易佛所住處四方遠近不令其下則不能兩假使不制而從兩之終不爲損若有衆生爲佛所持及佛所使尚不

可害況如來身是為諸佛第一大那羅延幢
 勇健法佛子一切諸佛以一切法界諸世界
 中須弥山王及鐵圍山大鐵圍山大海山林
 宮殿屋宅置一毛孔盡未來劫而諸眾生不
 覺不知唯除如來神力所被佛子亦時諸佛
 於一毛孔持於余所一切世界盡未來劫或
 行或住或坐或卧不生一念勞倦之心佛子
 譬如虛空普持一切徧法界中所有世界而
 無勞倦一切諸佛於一毛孔持諸世界亦復
 如是是為諸佛第二大那羅延幢勇健法佛
 子一切諸佛能於一念起不可說不可說世
 界微塵數步一一歩過不可說不可說佛刹
 微塵數國土如是而行經一切世界微塵數
 劫佛子假使有一大金剛山與上所經一切
 佛刹其量正等如是量等大金剛山有不可
 說不可說佛刹微塵數諸佛能以如是諸山
 置一毛孔佛身毛孔與法界中一切眾生毛
 孔數等一一毛孔悉置亦許大金剛山持亦

許山遊行十方入盡虛空一切世界從於前
 際盡未來際一切諸劫無有休息佛身無損
 亦不勞倦心常在定無有散亂是為諸佛第
 三大那羅延幢勇健法佛子一切諸佛一坐
 食已結加趺坐經前後際不可說劫入佛所
 受不思議樂其身安住寂然不動亦不廢捨
 化眾生事佛子假使有人於徧虛空一一世
 界悉以毛端次第度量諸佛能於一毛端處
 結加趺坐盡未來劫如一毛端處一切毛端
 處悉亦如是佛子假使十方一切世界所有
 眾生一一眾生其身大小悉與不可說佛刹
 微塵數世界量等輕重亦亦諸佛能以亦所
 眾生置一指端盡於後際所有諸劫一切指
 端皆亦如是盡持亦許一切眾生入徧虛空
 一一世界盡於法界悉使無餘而佛身心曾
 無勞倦是為諸佛第四大那羅延幢勇健法
 佛子一切諸佛能於一身化現不可說不可
 說佛刹微塵數頭一一頭化現不可說不可

說佛刹微塵數舌一一舌化出不可說不可說佛刹微塵數差別音聲法界衆生麤不皆聞一一音聲演不可說不可說佛刹微塵數修多羅藏一一修多羅藏演不可說不可說佛刹微塵數法一一法有不可說不可說佛刹微塵數文字句義如是演說盡不可說不可說佛刹微塵數劫盡是劫已復更演說盡不可說不可說佛刹微塵數劫如是次第乃至盡於一切世界微塵數盡一切衆生心念數未來際劫猶可窮盡如來化身所轉法輪無有窮盡所謂智慧演說法輪斷諸疑惑法輪照一切法法輪開無礙藏法輪令無量衆生歡喜調伏法輪開示一切諸菩薩行法輪高升圓滿大智慧日法輪普然照出智慧明燈法輪辯才無畏種種莊嚴法輪如一佛身以神通力轉如是等差別法輪一切世法無能爲喻如是盡虛空界一一毛端分量之處有不可說不可說佛刹微塵數世界一一世

界中念念現不可說不可說佛刹微塵數化身一一化身皆亦如是所說音聲文字句義一一充滿一切法界其中衆生皆得解了而佛言音無變無斷無有窮盡是爲諸佛第五大那羅延幢勇健法佛子一切諸佛皆以德相莊嚴曾瞻猶若金剛不可損壞菩提樹下結加趺坐魔王軍衆其數無邊種種異形甚可怖畏衆生見者靡不驚懾悉發狂亂或時致死如是魔衆徧滿虛空如來見之心無恐怖容色不變一毛不豎不動不亂無所分別離諸喜怒寂然清淨住佛所住具慈悲力諸根調伏心無所畏非諸魔衆所能傾動而能摧伏一切魔軍皆使迴心誓首歸依然後復以三輪教化令其悉發阿耨多羅三藐三菩提意永不退轉是爲諸佛第六大那羅延幢勇健法佛子一切諸佛有無礙音其音皆徧十方世界衆生聞者自然調伏彼諸如來所出音聲須彌盧等一切諸山不能爲障天宮

龍宮夜叉宮乳閻婆阿脩羅迦樓羅緊那羅
 摩睺羅伽人非人等一切諸宮所不能障一
 切世界高大音聲亦不能障隨所應化一切
 衆生靡不皆聞文字句義悉得解了是為諸
 佛第七大那羅延幢勇健法佛子一切諸佛
 心無障礙於百千億那由他不可說不可說
 劫恒善清淨去來現在一切諸佛同一體性
 無濁無翳無我無我所非內非外了境空寂
 不生妄想無所依無所作不住諸相永斷分
 別本性清淨捨離一切攀緣憶念於一切法
 常無違諍住於實際離欲清淨入真法界演
 說無盡離量非量所有妄想絕為無為一切
 言說於不可說無邊境界悉已通達無礙無
 盡智慧方便成就十力一切功德莊嚴清淨
 演說種種無量諸法皆與實相不相違背於
 諸法界三世諸法悉等無異究竟自在入一
 切法最勝之藏一切法門正念不惑安住十
 方一切佛刹而無動轉得不斷智知一切法

第七

究竟無餘盡諸有漏心善解脫慧善解脫住
 於實際通達無礙心常正定於三世法及以
 一切衆生心行一念了達皆無障礙是為諸
 佛第八大那羅延幢勇健法佛子一切諸佛
 同一法身境界無量身功德無邊身世間無
 盡身三界不染身隨念示現身非實非虛平
 等清淨身無來無去無為不壞身一相無相
 法自性身無處無方徧一切身神變自在無
 邊色相身種種示現普入一切身妙法方便
 身智藏普照身示法平等身普徧法界身無
 動無分別非有非無常清淨身非方便非不
 方便非滅非不滅隨所應化一切衆生種種
 信解而示現身從一切功德寶所生身具一
 切諸佛法真如身本性寂靜無障礙身成就
 一切無礙法身徧住一切清淨法界身分形
 普徧一切世間身無攀緣無退轉永解脫具
 一切智普了達身是為諸佛第九大那羅延
 幢勇健法佛子一切諸佛等悟一切諸如來

法等修一切諸善。薩行若願若智。清淨平等。猶如大海。悉得滿足。行力尊勝。未由自證。法住諸三昧。無量境界。示一切道。勤善。說無量智力。第一演法。無畏隨有所問。悉能善答。智慧深說。法平等。清淨身語意行。悉皆無終。住佛所住。請佛種性。以佛智慧。而作佛事。住一切智。演無量法。無有根本。無有邊際。神通智慧。不可思議。一切世間。無能解了。智慧深入。見一切法。微妙廣大。無量無邊。三世法門。咸善通達。一切世界。悉能開曉。以出世智。於諸世間。作不可說種種佛事。成不退智。入諸佛數。雖已證得不可言說。離文字法。而能開示種種言辭。以普賢智。集諸善行。成就一念相應妙慧。於一切法。悉能覺了。如先所念。一切眾生。皆依自乘。而施其法。一切諸法。一切世界。一切眾生。一切三世。於法界內。如是境界。其量無邊。以無礙智。悉能知見。佛子。一切諸佛。於一念頃。隨所應化。出興於世。住清淨土。成等正

百七十三

覺現神通力。開悟三世一切眾生。心意及識。不失於時。佛子。眾生無邊。世界無邊。法界無邊。三世無邊。諸佛最勝。亦無有邊。悉現於中。成等正覺。以佛智慧。方便開悟。無有休息。佛子。一切諸佛。以神通力。現最妙身。住無邊處。大悲方便。心無障礙。於一切時。常為眾生。演說妙法。是為諸佛。第十大那羅延。幢勇健法。佛子。此一切諸佛。大那羅延。幢勇健法。無量無邊。不可思議。去來現在。一切眾生。及以二乘。不能解了。唯除如來。神力所加。佛子。諸佛世尊。有十種決定法。何等為十。所謂一切諸佛。定從兜率。壽盡下生。一切諸佛。定示受生。處胎十月。一切諸佛。定歌世俗樂。求出家。一切諸佛。決定坐於菩提樹下。成等正覺。悟諸佛法。一切諸佛。定於一念。悟一切法。一切世界。示現神力。一切諸佛。定能應時。轉妙法輪。一切諸佛。定能隨彼所種善根。應時說法。而為授記。一切諸佛。定能應時。為作佛事。一切

諸佛定能為諸成就菩薩而授記別一切諸
 佛定能一念普吞一切眾生所問是為十佛
 子諸佛世尊有十種速疾法何等為十所謂
 一切諸佛若有見者速得遠離一切惡趣一
 切諸佛若有見者速得圓滿殊勝功德一切
 諸佛若有見者速能成就廣大善根一切諸
 佛若有見者速得往生淨妙天上一切諸佛
 若有見者速能除斷一切疑惑一切諸佛若
 已發菩提心而得見者速得成就廣大信解
 永不退轉能隨所應教化眾生若未發心即
 能速發阿耨多羅三藐三菩提心一切諸佛
 若未入正位而得見者速入正位一切諸佛
 若有見者速能清淨世出世間一切諸根一
 切諸佛若有見者速得除滅一切障礙一切
 諸佛若有見者速能獲得無畏辯才是為十
 佛子諸佛世尊有十種應常憶念清淨
 法何等為十所謂一切諸佛過去因緣一切
 菩薩應常憶念一切諸佛清淨勝行一切善

應常憶念一切諸佛滿足諸度一切菩薩應常憶
 念一切諸佛成就大願一切菩薩應常憶念一切諸
 佛積集善根一切菩薩應常憶念一切諸佛已具
 行一切善菩薩應常憶念一切諸佛現成正覺一切善
 薩應常憶念一切諸佛色身無量一切菩薩應常
 憶念一切諸佛神通無量一切菩薩應常憶念一
 切諸佛十力無畏一切菩薩應常憶念是為
 十佛子諸佛世尊有十種一切智住何等為
 十所謂一切諸佛於一念中悉知三世一切
 眾生心心所行一切諸佛於一念中悉知三
 世一切眾生所集諸業及業果報一切諸佛
 於一念中悉知一切眾生所宜以三種輪教
 化調伏一切諸佛於一念中盡知法界一切
 眾生所有心相於一切處普現佛與令其得
 見方便攝受一切諸佛於一念中普說法界
 一切眾生心樂欲解示現說法令其調伏一
 切諸佛於一念中悉知法界一切眾生心之
 所樂為現神力一切諸佛於一念中徧一切

處隨所應化一切眾生示現出興為說佛身不可取著一切諸佛於一念中普至法界一切處一切眾生彼彼諸道一切諸佛於一念中隨諸眾生有憶念者在在處處無不住應一切諸佛於一念中悉知一切眾生解欲為其示現無量色相是為十佛子諸佛世尊有十種無量不可思議佛二昧何等為十所謂一切諸佛恒在正定於一念中徧一切處普為眾生廣說妙法一切諸佛恒在正定於一念中徧一切處普為眾生說無我際一切諸佛恒住正定於一念中徧一切處普入三世一切諸佛恒在正定於一念中徧一切處普入十方廣大佛刹一切諸佛恒在正定於一念中徧一切處普現無量種種佛身一切諸佛恒在正定於一念中徧一切處隨諸眾生種種心解現身語意一切諸佛恒在正定於一念中徧一切處說一切法離欲真際一切諸佛恒住正定於一念中徧一切處演說一

切緣起自性一切諸佛恒住正定於一念中徧一切處示現無量世出世間廣大莊嚴令諸眾生常得見佛一切諸佛恒生正定於一念中徧一切處令諸眾生悉得通達一切佛法無量解脫究竟到於無上彼岸是為十佛子諸佛世尊有十種無礙解脫何等為十所謂一切諸佛能於一塵現不可說不可說諸佛出興於世一切諸佛能於一塵現不可說不可說諸佛轉淨法輪一切諸佛能於一塵現不可說不可說眾生受化調伏一切諸佛能於一塵現不可說不可說諸佛國土一切諸佛能於一塵現不可說不可說善薩授記

一切諸佛能於一塵現去來今一切諸佛一切諸佛能於一塵現去來今諸世界種一切諸佛能於一塵現去來今一切神通一切諸佛能於一塵現去來今一切眾生一切諸佛能於一塵現去來今一切佛事是為十

大方廣佛華嚴經卷第四十七 育七

明下古切示下徒切誕下徒切者上盧切 阿蘭下勅切

悲號下戶切涕泣上他切 曾臆上音凶切 驚下音德切 驚下音德切 驚下音德切

駭下音德切 駭下音德切 駭下音德切

大方廣佛華嚴經卷第四十八 育八

于闐國三藏沙門實叉難陀譯

大方廣佛華嚴經如來十身相海品第三十四
爾時普賢菩薩摩訶薩告諸菩薩言佛子今
當為汝演說如來所有相海佛子如來頂上
有三十二寶莊嚴大人相其中有大人相名

育八

光照一切方普放無量大光明網一切妙寶
以為莊嚴寶髮周徧柔輭密緻一一咸放摩
尼寶光充滿一切無邊世界悉現佛身色相
圓滿是為一次有大人相名佛眼光明雲以
摩尼王種種莊嚴出金色光如眉間毫相所
放光明其光普照一切世界是為二次有大

人相名充滿法界雲上妙寶輪以為莊嚴放
於如來福智燈明普照十方一切法界諸世
界海於中普現一切諸佛及諸菩薩是為三
次有大人相名示現普照雲真金摩尼種種
莊嚴其諸妙寶咸放光明照不思議諸佛國
土一切諸佛於中出現是為四次有大人相
名放寶光明雲摩尼寶王清淨莊嚴毗瑠璃
寶以為華藥光照十方一切法界於中普現
種種神變讚歎如來往昔所行智慧功德是
為五次有大人相名示現如來徧法界大自
在雲菩薩神變寶嚴摩尼以為其冠具如來
力覺悟一切寶皎光輪以為其髮其光普照
十方世界於中示現一切如來坐於道場一
切智雲充滿虛空無量法界是為六次有大
人相名如來普燈雲以能震動法界國土大
自在寶海而為莊嚴放淨光明充滿法界於
中普現十方諸菩薩功德海過現未來佛智
慧幢海是為七次有大人相名普照諸佛廣